



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XLVIII. Probabiliter aliquando tenemur prætermittere ea quæaliàs
sunt juris naturalis affirmativi, vel juris positivi, divini, & humani, ad
vitandum scandalum pusillorum.

[urn:nbn:de:hbz:466:1-73203](https://urn.nbn.de/urn:nbn:de:hbz:466:1-73203)

idē agnoscite dilectissimi (prosequitur Bernardus) & expavescite consortia eorum, qua salutem impeditum animarum. Horrendum peccatis sacrilegium, quod & ipsorum videtur excedere facinus, qui Domino Majestatis manus sacrilegas injecerunt.

469 Ex his facile videt, qui oculos habet, quām gravis sit malitia scandali per quod pereunt, & Christo auferunt, diabolique traduntur animæ, pro quibus ipse mortuus est. Sunt tamen innumeræ, & innumeræ, quibus nunquam tranquilla foret conscientia, si corporalis homicidii causam dedissent; nullam tamen anxietatem habent, dum tot spiritualibus homicidiis, seu animarum mortibus causam præbent. Nec solæ in eo peccant mulieres, de quibus proximè, sed & Prælati & Sacerdotes, seu Ecclesiastici, sicut & omnes Superiores respectu subditorum, & parentes respectu filiorum filiarumque suarum, dum ipsis malo suo exemplo, v.g. verbis vel actibus impudicis, blasphemias, imprecationibus, juramentis, seu alis scandalosis verbis vel factis, dant occasionem similiter peccandi. Rei proinde sunt tot spiritualium filicidiorum, quot filii & filiabus scandalum seu mortem animæ creant. Et hoc est, quod Gregorius Magnus ait homil.... super Ezech. Scire Prælati debent (& eadem ratio est de parentibus respectu filiorum) quia si perversa unquam perpetrant, tot mortibus digni sunt, quot ad subditos suos perditionis exempla transmitunt.

470 Porro ad augendam scandali malitiam hæc tria concurrunt, 1º. gravitas peccati, cuius causam, seu occasionem quis proximo præbet: tantò namque gravior est scandali malitia, quantò gravius peccatum, in quod per dictum vel factum tuum proximus inducitur. 2º. magnitudo influxus dicti vel facti in peccatum proximi: quantò enim magis in illud influit, & quantò major est verisimilitudo, quod istud ex illo sequetur, tantò gravior est malitia scandali, cæteris paribus. 3º. multitudo eorum, qui bus dictum vel factum tuum natum est causare scandalum: quia quantò pluribus istud causare natum est, tantò major est malitia dicti vel facti tui scandalosi.

471 Dixi natum est caufare: neque enim scandali malitia dijudicanda est penes malum effectum de facto secutum, neque dictum vel factum tuum esse definit scandalosum, eo quod ex eo proximus non acceperit occasionem peccati; sed ad contrahendam scandali malitiam, sufficit, quod dicto tuo, vel facto minus recto, dederis ipsi caufam, natam ipsum inducere in peccatum (saltem attentâ hominum ignorantia, vel fragilitate) quod enim tunc peccatum proximi non sequatur, per te non stat, sed per alium, cui equidem tu caufam dediti sufficienter inducitivam. Et hoc est quod gravior monet D. Chrysostomus homil. 17. in

Matth. Si qua mulier idem ornatur & comitur, ut in se oculos irriteret, etiam nullum pulchritudine suâ forte vulneraverit, dabit tamen extrema supplicia. Paravit quippe viris, tempore ravit venenum, parrexit poculum, etiam nullus qui biberet inventus est. Nec ipsam excusat, quod dicat, hoc præter intentionem suam accidere. Quia licet hoc non intendat directè, intendit indirectè & interpretativè, dum voluntariè facit id, quod tenetur non facere, ne sequatur talis effectus in proximo, quem vel prævidet, vel prævidere potest ac debet, attentâ communi fragilitate hominum, sequi natum ex causa a se data.

Sed tametsi ex dictis valde graviter scandalosæ sint mulieres, sui ornatus vanitate, vel scapularum & pectoris nuditate, juvenum oculos ad sui conspectum provocantes, & tanto gravius, quantò pluribus juvenibus pravorum desideriorum incentivum subministrant: nulli gravius ac pernicioſius impllicantur peccato scandali, quām qui docent & divulgant doctrinas perverſas in materia fidei, vel Christianæ vitæ relaxativas, & animarum perniciem inferentes in materia morum, necnon Confessarii peccatoribus nimis blandientes, eorumque absolutionem præcipitantes. Cūm causa sint perditionis innumerabilium animarum, uti partim ostendit to. 1. & amplius ostendet to. 3. ubi de peccantia.

C A P U T X L V I I I .

Probabiliter aliquando tenemur pretermittere ea qua alias sunt juris naturalis affirmatiui, vel juris positivi, divini & humani, ad vitandum scandalum pusillorum.

Probabiliter (inquam) tametsi enim Doctores convenient, ea quæ sunt contra jus naturale negativum, quæque a Theologis dicuntur intrinsecè mala, nunquam esse facienda ad vitandum scandalum: nunquam enim (juxta Apostolum) sunt facienda mala, ut eveniant bona; circa ea tamen quæ sunt juris affirmatiui, sive naturalis, sive positivi, etiam divini, variant Doctores. Siquidem alii, ut Vasquez, & alii, referentes D. Antoninum, Sylvestrum, Paludanum, Navarrum, aiunt, nullius precepti affirmatiui, etiam humani, observationem pro vindicando pusillorum scandalio prætermittendam esse. Primo, quia cap. coram de novoper. nuntiat. Innocentius III. dicit, nullum preceptum violandum esse propter scandalum aliorum. Secundo, regula una Juris dicit: Utilius scandalum nasci permititur, quam veritas relinquatur. Tertio D. Basilius in regul. interrogat. 54. Quoiescumque (inquit) in his qua ex mandato sunt, vel dicuntur, homines offenditionem incurrint, toties scandalum est negligendum. Quartio, obli-

Tom. II.

Pp 2

tio vitandi scandalum ex charitate provenit. Charitas verò non obligat, nisi juxta Dei, & Ecclesiae mandata: per quorum observantiam prius unusquisque saluti propriae consulere debet, quam alienæ.

474 Alii nihilominus probabilius contrà sentiunt, ut Bannez, Suarez, Merbesius, Tannerus, & Doctores communiter (ipso teste to. 3. disp. 2. q. 6. dub. 9.) favet etiam Thomas, uti postea videbitur. Favet etiam Prosper Fagnanus in cap. *quia circa de consanguin.* & affinit. n. 7. dicens, quod propter scandalum pusillorum receditur à dispositione juris positivi. Quod probat ex cap. *super his suprà eodem c. 2. de tempor. ordin.* & cap. *cum ex injuncto,* de nov. oper. nuntiat. Et ratio est, quia prout Innocentius III. cap. illo *cum ex injuncto* dicit, *ab his qua sine morali peccato committi possunt, pariter & dimitti, est pro scando tollendo cefandum, vel insfundendum.* Eiusmodi verò sunt ea que sunt juris naturalis affirmativi, & positivi, divini vel humani: utpote quae non obligant pro semper, sive pro quibuscumque circumstantiis, uti fatentur omnes, demonstraturque exemplis communiter receptis, etiam à S. Thoma 2. 2. q. 122. a. 4. ad 3. Præceptum quippe correctionis fraternæ juris est naturalis affirmativi, sicut & præceptum eleemosynæ corporalis. Correctio tamen fraterna secundum omnes prætermittenda est, cum proximus inde creditur pejor futurus. Similiter eleemosyna (extra necessitatem extreamam) omittenda est circa specialem personam, dum necesse est ad vitandum scandalum pusillorum. Integritas quoque confessionis est de jure divino positivo. Si tamen mulier sciret, Confessarium ex infirmitate lapsurum, casu quo manifestaret ipsi certum luxuriæ peccatum, deberet illud omittere, ceteris detectis, si alterius Confessarii copiam non haberet. Denique si in die festo viderem proximum in ea dispositione, ut scipium ex desperatione interfecturus esset, nisi ipsum impedirem, apud ipsum manendo, ad id ex charitate tenerer, etiam cum omissione auditionis Sacri.

475 Et ratio à priori est, tum quia omnia ista præcepta charitati deserviunt. Ergo non obligant in circumstantiis, in quibus charitas dicit, omittendam hic & nunc eorum observantiam, ut succurratur spirituali proximorum necessitatibus, & impeditur ruina spiritualis ipsorum; sicut non obligant, dum charitas dicit, omittendam eorum observantiam, ut succurratur gravi necessitatibus corporali propriae vel alienæ. Unde Matth. 12. Discipulos suos ob necessitatem Sabbato vellentes spicas excusat Salvator, exemplo David, quando esuruit cum iis qui cum eo erant, & panes propositionis comedit, quos non licebat edere. ... nisi *sacerdotibus*, juxta legem Domini Le-

vit. 24. 8. & 9. Tum quia ruina spiritualis proximi, sive scandalum pusillorum, quando preponerat malo resultanti ex præteritione ejusmodi præceptorum, seu alicuius ex illis. Atqui, juxta ordinem amoris, in ejusmodi circumstantiis malum præponeretur præcavendum est.

Ad 1. in oppositum nego suppositum: in talibus utique circumstantiis præcepta violari. Cum enim in circumstantiis illis non obligent (uti probatum est) non violantur.

Ad 2. respondeo inde solum esse consequens, nihil esse faciendum vel dicendum contra veritatem, v. g. non esse mentendum, ad cavendum scandalum. Quia hoc nullo casu licet. At consequens non esse, quod ad cavendum scandalum prætermitti hic & nunc non posse observantia alicuius præcepti affirmativi. Neque enim tunc veritas relinquitur, magis quam in casu quo David panes propositionis comedit, &c. in quo charitas tunc verè practicatur.

Ad 3. dico quod S. Basilius loquitur de scandalo pharisaico, uti ex contextu ipsius colligitur.

Ad 4. respondeo ut ad 1. mandata divina in dictis circumstantiis non obligare: propriam proinde salutem non negligi, dum eorum observantia postponitur fraternali charitati, cui mandata ista deserviunt.

C A P U T X L I X .

Variorum casuum resolutio ex præmissis.

EX dictis sequitur 1º. interdum omitten-
da esse aliqua de se indifferentia, vel etiam bona, etiamsi ad ea aliqui habent ius, si proximus prævideatur inde ex infirmitate, vel ignorantia scandalizandus, dummodo ea abique notabilis incommode omittere possit. Aliquale enim incommodum (spectatis omnibus, secundum Christianam estimationem non notabile) ad vitandum pusillorum scandalum oportet sustinere. Notabile verò incommodum propter proximum sustinere non tenetur, nisi dum est in extrema necessitate, vel taliter gravi, ut aliter juvari, vel nonnisi difficulter juvari possit, uti Doctores communiter censem.

Sequitur 2º. facientem aliquid, de se quidem non malum, sed quod mali speciem præfert, si legitimam habeat faciendi causam, justam utique necessitatem, vel magnam utilitatem, non esse reum scandali, si quod inde sequatur, saltem si causam illam astantibus declarat, ne scandalizentur. Ita S. Thomas loco citato, pluribus exemplis declarans, opera speciem mali præ se ferentia, seu alias prohibita, fieri posse, dum justa id postulat necessitas. Et declaratur quoque exemplo Judith, justa de causa se præsentantis oculis Holofernis, cum omnibus